

U iščekivanju odluke CIK-a Blokiran rad Skupštine Razvojne banke

U Vladi FBiH navodno postoji ideja da se izmjenom akata Skupštine uvede način odlučivanja koji vrijedi u Vladi: devet kvorum, pet za donošenje odluke

Predsjedavajući Predstavničkog doma Parlamenta FBiH Safet Softić biće jedini domaćin današnjem sastanku sa članovima Centralne izborne komisije BiH, jer mu neće prisustvovati čelnik Doma naroda Stjepan Krešić. CIK će još jednom upozoriti Parlament na neusklađenost zakona o sukobu interesa u FBiH i privrednim društvima i zatražiti njihove hitne izmjene.

Ukoliko se Parlament FBiH ponovno ogлуši na upozorenje, CIK je najvio da će otvoriti postupak ut-

možu prisustvovati Skupštini". Skupštini su se odazvali ministri iz HDZ-a BiH, SDA i SNSD-a. No, kako bi Poslovnik i Statut bili izmijenjeni, Skupštini se mora odazvati najmanje 12 članova od čega će devet biti "za". To u ovom trenutku očito nije izvodivo. Mujezinović navodni dogovor izmjene akata Skupštine nije ni potvrdio ni demantirao: "Greška je napravljena prilikom donošenja Statuta, pa tako za kvorum i odlučivanje o dokumentima koji nisu konkretni, kao što su izvještaji



Razvojna banka: Tehnička ili politička pitanja?

vrđivanja sukoba interesa članova federalne Vlade koji, po važećem Zakonu o Razvojnoj banci FBiH, čine Skupštinu te federalne finansijske institucije.

Pisma i ispričnice

Nakon propale sjednice Skupštine RB-a prethodno, kojoj je umjesto propisanog minimuma od 12, prisustvovalo devet članova, navodno je dogovoreno pokretanje izmjene odredbi Poslovnika o radu Skupštine i Statuta RB-a koje propisuju kvorum i način odlučivanja.

Izmjenama Poslovnika i Statuta bi se osiguralo da kvorum čini devet, od čega bi većinu potrebnu za donošenje odluka činilo pet članova Skupštine, što je identično načinu odlučivanja u Vladi, kazao je za Oslobođenje sekretar Skupštine RB-a i Vlade FBiH Ismet Trumić. Na ovaj način, tvrdi on, bila bi otklonjena sadašnja "blokada rada Skupštine, ali i same Razvojne banke koja posluje bez dokumenata koje mora odobriti Skupština".

Prethodno Skupštini nije se odazvalo svih pet ministara iz Stranke za BiH, koji su obavijestili predsjednika Skupštine Mustafu Mujezinovića da neće sudjelovati u njenom radu sve dok CIK ne donese konačnu odluku o tome da li su ministri u Vladi FBiH koji po sadašnjem Zakonu čine i Skupštinu RB-a u sukobu interesa. Dva ministra HDZ-a 1990 su "poslali ispričnice da ne

i planovi i programi rada, treba više glasova nego za odluku Vlade o osnivanju Razvojne banke".

Federalni premijer je mišljenja da su ministri članovi Skupštine po sili zakona, a ne svojom voljom i da su svi oni u aprilu na Skupštini prihvatili tumačenje Ureda za zakonodavstvo Vlade FBiH prema kojem nisu u sukobu interesa.

Mujezinović smatra da poenta nije u izmjenama načina odlučivanja, jer to je "tehničko pitanje".

- Uvijek je bolje imati snažniji instrument odlučivanja. Ovdje je pitanje funkcioniranja pet stranaka koje učestvuju u radu Vlade i Skupštine. Ni na Vladi nije dobro kad odluku od devet prisutnih donese pet ministara. Osim toga, izmjene tih akata ne predlaže Skupština nego ih mora pripremiti Nadzorni odbor, kazao je Mujezinović.

Trikovi i ekvilibristika

Skupština RB-a ne može raditi, pa ni usvajati izmjene Poslovnika i Statuta, sve dok joj ne bude prisustvovalo 12 članova, poručio je federalni dopremijer Gavrilko Grahovac.

- Ako je to tačno, prije nego što išta naprave, morat će ispoštovati sadašnji Statut i Poslovnik kod zakazivanja sjednice, tako da nikakav trik nije moguć, kazao je Grahovac dodavši da "ministri iz SBiH neće prihvatiti takvu ekvilibristiku".

S. ŠEHERČEHAJIĆ

Pismo Inzku i PIC-u Produžite mandat!

Ukoliko međunarodne sudije i tužitelji ne budu nastavili svoj mandat nakon 14. decembra, godine truda na osiguravanju pravde bit će uzaludne

Međunarodna skupina političara, univerzitetskih djelatnika, predstavnika nevladinog sektora i pravnih eksperata predvođeni bivšim visokim predstavnikom Christianom Schwartz-Schillingom, od Valentina Inzka, aktuelnog šefa OHR-a, traži da upotrijebi ovlasti i nametne produženje mandata međunarodnim sudijama i tužiteljima na Sudu i Tužilaštvu Bosne i Hercegovine.

Politička kratkovidost

"Uspostava vladavine prava se nalazi u fokusu međunarodne zajednice tokom poslijeratnog angažmana u BiH. Uključivanje međunarodnih sudija i tužitelja u Sud BiH, koji sjede u posebnim odjeljenjima za ratne zločine i organizirani kriminal, ključni je dio ovih napora. Ovi profesionalci su potrebni kako bi se dopunio rad Haškog tribunala, kao i domaća borba protiv organiziranog kriminala i korupcije. Ukoliko međunarodne sudije i tužitelji ne budu nastavili svoj mandat nakon 14. decembra, veliki broj slučajeva koji su u toku, bit će vraćeni na početak. Godine truda na osiguravanju pravde bit će uzaludne", kaže se u pismu Inzku.

Neproduženje mandata neće

Političari, NGO, eksperti...

Pored bivšeg šefa OHR-a Christiana Schwarz-Schillinga, peticiju su potpisali evropski političari iz Stranke zelenih Marieluise Beck, Franziska Brantner, Cem Özdemir, liberali Jelko Kacin i Diana Wallis. Svoj potpis stavili su i Kurt Bassener (Vijeće za političku demokratizaciju), Sonja Biserko, Ljuljeta Goranci Brkić (Nansen Dialogue Center), Mirela Grünther-Đečević (Heinrich-Böll fondacija Sarajevo), Biljana Kovačević-Vučo (YUCOM, Beograd) Zoran Pusić, (Građanski komitet za ljudska prava iz Zagreba), Peter Julian Walsh (Irska akcija za BiH), Bodo Weber, Annika Björkdahl, Tanya L. Domi, Kelly M. Greenhill, Mark Palmer, bivši američki ambasador u Mađarskoj, profesor Jon Western...

samo utjecati na slučajeve koji su u toku nego i na održivost Suda i Tužilaštva BiH.

"To je, izgleda i stvarni cilj dijela političara iz BiH, koji su objekt istrage i potencijal-



Šta čeka visoki predstavnik?

nih optužbi pred Sudom", kaže se u pismu, a potpisani izražavaju duboku zabrinutost što su "određene države članice UO PIC-a protiv donošenja ove odluke kako bi se izbjegla dalja trvenja nakon propasti butmirskog procesa i razgovora o ustavnim reformama".

"Takav stav ne samo da prijeti da podcijeni ulogu pravde u BiH nego i je i politički kratkovidan", ocjenjuju potpisnici pisma cijeneći kako će se politički konflikti koji se žele izbjeći, pojaviti u svakom slučaju, i to nakon što se oslabi mogućnost za rješavanje pitanja koje su domaći političari propustili riješiti, a koje se smatra središnjim.

Tri godine

"Na Dan ljudskih prava, vjerujemo da najznačajnija akcija u smislu ispunjavanja te obaveze bila bi nametanje promjena zakona koji bi omogućio produženje mandata međunarodnom pravosudnom personalu na državnom Sudu za naredne tri godine. Stoga od Vas, kao visokog predstavnika, zahtijevamo da poduzmete taj korak", kaže se na kraju pisma upućenog OHR-u i ambasadorima država Vijeća za implementaciju mira.

F. BORIĆ

V I J E S T I

Željko Komšić



Butmir traljavo pripremljen

Butmirski pregovori i sve što se u vezi s tim dešavalo, cijeli politički i analitički proces vrlo traljavo su pripremljeni, toliko loše da sam bio neprijatno iznenađen, izjavio je za Agenciju ONASA predsjedavajući Predsjedništva BiH Željko Komšić. "Sva 'taktika' tih pregovora zasnivala se na tezi da nama u BiH pregovori trebaju. To nije sporno, ali taktika popuštanja najgrlatijem, najbahatijem, onome ko se siledžijski ponaša u političkom životu BiH, ne može donijeti rezultat", kazao je Komšić.

Špirić - Barašin



Pomoći porodicama nestalih

Predsjedavajući Savjeta ministara BiH dr. Nikola Špirić održao je juče radni sastanak sa glavnim tužiocem Tužilaštva BiH Miloradom Barašinom.

Predsjedavajući Špirić i glavni tužilac Barašin razgovarali su o mogućnostima za otklanjanje problema sa kojima se suočavaju porodice u procesu traženja nestalih lica. Predsjedavajući Špirić je apostrofirao potrebu rješavanja pitanja u vezi sa procedurama davanja naredbi za ekshumacije i nepostojanja jedinstvene prakse u postupanju okružnih i kantonalnih tužilaštava.